

AVP a manda carta pa Procurador General Wernet

Aruba den direcccion di dictadura total

Tape di atake di MEP contra Juez tambe a worde confisca?

ORANJESTAD(AAN)-- Den un carta cu AVP a manda pa Procurador General Wernet, ta worde treci dilanti cu ta cu gran

asombro AVP a tuma nota di e hecho cu Recherche a confisca tapenan di AVP, cu no tin nada contra medidanen, cu legal-

mente ta worde tuma contra Recherche.

Pero AVP lo kier tende di parti di Procurador General si Recherche, ariba orden di Ministerio Publico o a base di un keho por a actua contra un tape, ariba cual tin e convocacion pa un reunion di MEP, por a laga confisca esaki tambe. Ariba e tape aki, Juez ta worde ofendi.

AVP a muestra cu e carta a bay pa Procurador General pasobra mas y mas Aruba ta bay den direcccion di un dictadura total, manera a mira nace y crece na Surinam.

AVP ta bisa cu ta conoci cu maneho di Gobierno pa loke ta trata Tele Aruba ta cu cueste loke cueste mester evita pa AVP aparece den Telenoticias.

E partido ta muestra cu Democracia ta worde amenaza y por mira con Ministro di Justicia ta mete den Ministerio Publico tratando pa haya control total. Cu un temor creciendo, AVP ta mira con derechonan di sernan humano ta worde trapa.

Mientras algun dia pasa representante di un sindicato Hulandes a bin duna asistencia na Aruba y a worde saca pasobra el a sali na vanguardia di trahadornan, siman pasa

abogadonan di Hulanda a bin defende Coastal y nan si por a keda sin permiso di estadia y pa traha.

Tambe por mira con oposicion ta worde saca for di Parlamento pa cera boca di Oposicion. Pa colmo no solamente ta benta sentencia di Juez un banda, pero ta cuminsa ataca Jueznan directamente pasobra nan a dicta sentencia na favor di trahador.

AVP ta indica cu por a mira con Promer Ministro y Ministro di Justicia te den horanan di madrugada tabata defende interesnan di e multinacional multimillonario contra trahadornan y despues critica formal di partido MEP contra Juez, cu a dicta sentencia na favor di trahador.

E partido ta spera cu pronto e por haya contesta di Procurador General.

Mientras negociacion cu Colorado a cuminsa

Mas Turco a afilia na FTA

Gran mayoria di trahadornan Arubiano na Coastal tambe cu sindicato

ORANJESTAD(AAN)-- Diadomingo tabata tin un reunion pa e trahadornan ariba tereno di Coastal. Durante e reunion a keda demostra cu e trahadornan ariba tereno di Coastal no a cambia di opinion, pero a keda tras e sindicato FTA.

Centenares di persona a acudi na e reunion, caminda informacionnan importante a worde duna.

Segun e Presidente di FTA, Anselmo Pontilius, por bisa cu awor mas Turco a dicidi di afilia nan mes na e sindicato. Si anteriormente tabata tin 600 y pico di Turco cu kier a haya representacion di FTA, awor ta mas

di 700 Turco cu kier afiliacion na e sindicato.

Mientrastanto e Turconan tur a regresa trabao, despues cu Juez a dicidi cu nan no por a worde retira.

Na mes momento Arubianonan, cu ta traha ariba tereno di Coastal, tambe ta keda cu FTA. Di e alrededor di 300 trahador Arubiano ariba tereno di Coastal, 230 lo ta cu FTA, cu ayeramerdia a habri negociacionnan cu e subcontratista Colorado pa asina yega na un cao pa e trahadornan, cu mester di beneficianan secundario.

Voz-I-Landia Escolar ta gradici

ORANJESTAD (AAN) Diadomingo ultimo a tuma lugar den un "sold out" ballroom di Aruba Concorde Hotel e Septimo Festival Voz I Landia Escolar, cual tabata sumamente exitoso.

Fuera di e presentacion di 20 talentonan hoben den canto, e publico a disfruta di un show di moda di Alexander fashion Institute y un show di baile di Menudo fan Club.

Pa 5 or y 50 e ganadornan di diferente grupo y categorianan a ser anuncia.

E resultadonan ta como lo siguiente: Den grupo di 8 te 10 aña, cantante mas popular: Noreen Vingerhoedt di Maria Regina School; Cancion ganador "Carmita Muskita", compositor Martha Figueroa, arreglo Franklin Granadillo, interprete: Melany Wanga; na di tercer lugar Voz: Melany Wanga di Rosario College; na di segundo lugar Voz: Dariella Vega di Reina Beatrix School; Ganador Voz: Sulaika Croes di Mon Plaisir School.

Den grupo di 11 te cu 13 aña: Cantante mas popular: Elton Matos di Fatima College, Cancion ganador: "Hubentud", compositor: Eric Rincones, arreglo: Amado Rosina, interprete: Kerensa Kelly. Na di tres lugar Voz. Darwin Thijsen di H.Hart College. Na di

dos lugar: Kerensa Kelly di Pius X School. Ganador Voz: Sylvhyanne Vrolijk di Rosario College.

Fundacion Voz-i-Landia un biaha mas ta felicita tur e ganadornan, pero tambe tur e otro participantenan pa nan bunita presentacion y show.

Fundacion tambe cordialmente ta yama danki na tur cu di un of otro manera a contribui na e exito di e festival, muy en particular e sponserman.

The promise of a fine education is the promise of a lifetime



ROSARIAN ACADEMY
College Preparatory for young women

has made many promises come true since 1925 through the advantages of its small classes, strong curriculum, cultural activities, and incentives for leadership.

RESIDENT: Grades 7-12 • DAY: K-12
Apply for '90-'91
Registrar (407) 832-5131
807 North Flagler Drive
West Palm Beach, Florida, 33401
SACS accredited
Conducted by Sisters of St. Dominic



SENSATIONAL CAMPAIGN

January 1 - December 31, 1990

Every purchaser of a new Toyota will receive a ticket to participate in the raffle of a
BRAND NEW TOYOTA LIMITED EDITION



and also **2 years or 50,000 km**

WARRANTY

GCA Garage Cordia Aruba N.V.

TOO GOOD TO BE TRUE!